

PAPAKILO [Hawaiian Newspapers Collection](#) [Menu](#) ▾[Translate](#)
www.zebo.org[Ke Au Okoa / 26 January 1871](#)[/ Ka Huakai Makaikai a ka Moiwahine i ka Mokupuni o lalo.](#)

Ke Au Okoa, Volume VI, Number 41, 26 January 1871 — Ka Huakai Makaikai a ka Moiwahine i ka Mokupuni o lalo. [ARTICLE]

[Back](#)**Ka Huakai Makaikai a ka Moiwahine i ka Mokupuni o lalo.**E KE AU OKOA E ;—*Aloha oe:*

I ka hora 3 ahiahi o nehinei, haalele ia Lawai ka huakai hele a

“Maikai ka Waikini he nani ke nana,
 Ka hemolele oia uka me ke onaona,
 Ua hele a nolu pe i ka lehua maka noe,
 Ua ike maka iho nei i ka nani o Aipo.”

Kahele ana o ka huakai o Kaleleonalani, a i ka liu la, ua hookipa ia aku ma ka home maemae o Hon. J. Kauai ma Waimea nei, a ua haawi mai oia i ka hale a pau, a e hana ke'lii e like me ka makemake. Pela ka hawi ana a ia keiki lalawai o Waimea.

Ua oluolu maikai no ke ola o ka Moiwahine, a pela no me kona mau hoahanau, a me ua'lii hoahela ona. Maloko o keia mau la, e holoholo ana makai iho nei, i kahi o ka lei pahapaha, a me ke one palatu o Nohili, a malia paha e oluolu o Limaloa e hoala ae i

kauhale ona, alaila, malu o Kalani, olu ia Kaha, a ma ka Poaono, e pii ana i ka uka iu o Papukaniao, he punawai ia, kahi e kii ia ai ka wai e iu o na Moi o Kauai nei i kela kau. A ma ka Poakahi, la 23, o ka pii no ia o ka huakai i ka mauna, e ike ia Kalehua-makanoe, a i na wahi kaulana a pau, pela ka makemake o ua o Kalani puni makaikai honua. Oia hoi, a kahele wale ia hoi e ia kuku o Kahiki, pehea la hoi e ole ai na wahi kaulana o ko lakou pae moku.

Ua hoopuka mai no hoi o Hon. J. Kauai, i ka manao aloha alii o na makaainana o Waimea nei, e hele mai ana lakou e ike ia ia, i ka la apopo, nolaila, e kua ia ka pulale koke ana o ka huakai piimauna.

Ua lokahi ka manao o ka Ekalesia me ko lakou mau makana, ma ke alakai ana o ko lakou makua hai ola oia no o Rev. A. Kaukau, e hele mai e ike alii.

A o ko makou ake nui, a e ka olioli o ka manao, e alakai mau ia e ia pomaikai ka huakai kahele a ko kakou Moi wahine aloha, ma na wahi a pau ana e naue aku ai, a e apo mau ia mai no oia, a me kona mau ukali alii e na aloha pumehana o na makaainana aloha alii o lakou. Na ke Akua e hoomalu mai i ka Moiwahine.

UPAPOLOKE.

Waimea, Januari 18, 1871.

This article has been automatically clipped from the Ke Au Okoa 26 January 1871,

organised into a single column, then optimised for display on your computer screen. As a result, it may not look exactly as it did on the original page. The article can be seen in its original form in the [page view](#).
